

义感天恩

一、宋赠义门陈氏始祖五世公爵敕

奉天承运 皇帝诏曰 盛德开保世之祥 衍庆恒由于祖泽 圣朝隆报功之典 追美必及乎先人 唯尔江州义门陈氏代传孝悌 世绍簪缨 累世同居 历年几乎五百朝同爨 聚族实逾三千 祖宗之培养既深 公侯之赏锡宁靳兹 特赠尔始祖陈旺晋国公 二世祖陈机燕国公 三世祖陈感许国公 四世祖陈蓝吴国公 五世祖陈青齐国公

呜呼 褒崇虽吝于先朝 显扬宜彰于当代 锡之祠以祭祀 感化同堂之义

敕命

天圣元年(1023)四月十日 之印

二、宋授义门陈旭将仕郎宋江州助教敕

制曰 睦族敦伦 一堂聚雍和之景 扬休播美 大庭显隆宠之恩

唯尔江州义门陈氏蒙太丘之余泽 袭著作之遗体 孝义宏敷 物类尚昭其
感格 仁恩深浹 里党悉化其竞争 及汝陈旭作起后昆 丕承先绪 早彰素履
闻望久著于儒林 克懋清规 风声益照于闾巷 宜膺霈泽 用保耆年 可特授将
仕郎守江州助教 特颁纶綍之荣 式光庠序之列

敕命

大中祥符辛亥(1011) 之宝

三、谢贷粟表

圣皇陛下 臣兢稽首顿首

伏以重义周贫 九族惠太仓之粟 旌先济后 一王颁国帑之恩 饗饗何颜 素餐有耻 臣诚惶诚恐 窃唯草莽微躯 丘园贱民 格遵孝悌 誓终身于考槃 敬守诗书 甘乐道于畎亩 以是 粥以是 敢怠三时之勤 不菑不畲 不耕不获 安望百廩之取 谋道不谋食 虽未逮乎君子 尚义不尚利 窃有志于先人 是以同居二百余载 聚族二千余口 家有同牢之犬 庭无再发之荆 故食少人繁 方有贷粟之虑

恭遇圣皇陛下 学植重华 选士尚纯 菽粟之文必录 取民有制 粟征以时 是诚有为之君 抑亦不世之主也 顷者 伏蒙圣恩 念屡世重义之风 特加优恤

矜后人乏食之苦 遂赐粟二千 数溢五秉 昔有周之大赉 是为富善人 而诏贷之殊恩 是隆孝子 一朝盛事 千载奇逢 愿养贤以及万室 俾玉食以临四方 苾香椒馨 洽丰年之百醴 醉酒饱德 介福于万年 臣无任瞻天仰圣 谨奉表称谢以闻

淳化元年(990)庚寅四月十六日臣兢上

四、中书门下内侍裴愈谍

内侍高班内品监秘阁裴愈奏『臣因散赐御书至江州义门 得陈旭称其户贯德安县新兴乡 合家十四世同居 见存骨肉二千六百六十口 逐年纳税钱九百贯 苗米二千七百余石 输纳江州 往回山路四百余里 尽是辇运 虽足了当

不免倍费裹缠 及蒙官府每年春首支借陈粟二千石 以供口食 待秋收之日 一斗只还一半 阖门不胜感戴圣恩至极 虽蒙贷粟而又支用不足 今乞户下所纳苗米二千七百余石 就德安县送纳 一则免费车夫 二则依县限了当 伏念圣皇以孝理天下 乞再赐悯恤 庶济困穷』又据德安县状『检会义门陈旭户下苗米 每年征科 常是出限 方得了当 乞就本县粮仓送纳 县德安路当冲要 南北过往馆驿 供应马递 步军粮米约二千余石 此米陈旭乞县仓送纳 方得依限了当 兼县原有仓限堪任盛贮 伏候圣旨』

奉中书牒 敕令『江州一依裴愈所奏施行』

至道二年二月十九日辰时牒

五、奏义门卑幼妄擅典卖田产状

赐紫金鱼袋臣陈延赏私恳 冒渎天听 甘伏斧钺

念臣先祖在唐玄宗朝 因官置庄于江州德安县 后置田于各郡 历今十五世 义聚骨肉三千余口 俱以家长叔翁旭为户宰 叠蒙敕令 旌表门闾 蠲免沿征 复除差役 此非朝廷私于臣家 盖有圣皇陛下大振淳风 光扬教悌 以奖一家之善 化天下之民 臣家虽贫而不敢分析 坚守先祖义方之训 不负陛下旌奖之恩也

臣今春因赴任 路过臣家 窃见臣家有不肖卑幼言私于邻近豪民举债利中翻利之后 填还不得 不告家长 擅将庄田曲卖于豪民名下 窃缘臣字子孙众多 若不经官理断 深虑不肖卑幼递相仿效 致使骨肉义聚不得 以坏先祖之义范 实大辜负陛下之圣恩也

臣见大理评事汪白 知江州德安县 官廉干练 为治强民 熟知臣家行细 伏望圣慈念臣家笃义年深 微臣忧家情切 乞降敕命江州委汪白差员追查所典庄田及卑幼 承典豪民 一并相究 将所在庄田典得钱谷交付何处 支销何人 如内有利中索利及契内无家长署字 不经官按印者 视为豪民占夺 乞依敕断还 责臣家卑幼知惧 豪民不敢复诱臣家骨肉 亦可长保义居 有裨圣化 臣家感激无崖矣

谨具状奏闻 伏候敕旨

宣德郎 守殿中丞 知南容州兼管

劝农桑事提举容路巡检司上骑都尉

宋景德三年(1006)十一月

六、谢恩表

圣皇陛下 臣旭十月二十八日接江州孔目官周豫賚官诰一道 敕牒一道 伏蒙圣慈 特授臣将仕郎 守江州助教者

臣闻乾坤布惠 里闾增辉 岂知蒲柳之年 获纶綍之命 臣旭诚感诚忭 稽首顿首 切念臣世非蝉冕 业绍箕裘 徒以祖先貽孝悌之规 子孙凜诗礼之训 始于唐室 迨至圣朝 连旌表门闾 获蠲徭役 是以聚族三千余口 幸免支离 （旭）生身八十一年 曾无玷累 唯喜逢于盛世 何敢望乎圣恩 伏唯崇文广武 仪天尊道 感应圣时 仁孝皇帝陛下 德迈羲唐 功高舜禹 化行宇内 庆洽寰中 桑林尽荷殊休 品物悉沾沛泽 臣家传敦睦 龄近期颐 特颁庠序之资 俾与衣冠之列 华门闺窦 惊紫诰之俄临 雪鬓霜髭 映绿袍而荐耀 此盖陛下曲嘉小善 以化大同 臣敢不益励云初 弥敦礼义 副圣朝之教 庶酬不显之恩 臣伏恨老耄

不胜奔趋 蹈舞阙廷任瞻天仰圣 激切屏营之至 谨奉表称谢以闻 谨言

大中祥符四年(1011)辛亥十月吉旦

将仕郎守江州助教陈旭上

七、特赐旌表门闾谢表

伏蒙圣慈 旌表门闾者 宸极慈恩 闡孝慈于屡世 蓬门交庆 荷宠命於九天 光被缙绅 荣生万里 臣炎等诚惶诚恐 稽首顿首 切念祖先 淳天性之亲 世传孝友 昆云秉义方之训 业绍诗书 屡感圣恩之旌表 获免徭征 继辱仁皇之保全 特为分析 臣高祖继珪等 率由先世之遗规 复联后日比而共炊 荷一天之化雨 滋派颺而仍昌 被九阙之春风 喜荆花而再茂 克孝克悌 岂敢望

乎榆杨 兴让兴仁 不无赖乎激劝 兹盖优遇皇帝陛下 仁溥德宏 天高地厚
端笏而经纶海宇 垂衣而统御寰中 躬至孝以端民 振淳风而善俗 司牧事闻
于丹陛 纶音涣下于闾里 宝轴金笺 陆继联於圭宝 青衣白发 蹁跹交跃於
夤阶 屡朝之勅第 重辉积世之光 灵祐庆臣 早承庭训 早附蝉班 敢不夕阳
朝恩 期永克乎义范 夙兴夜寐 求厚报於鸿恩 伏愿帝心 体不倦之仁圣 诗
跻无疆之福 俾义风之丕振 率寰宇於淳化 臣无任瞻天仰圣 激切屏营之至
谨奉表称谢以闻

陈炎 嘉定七年甲戌(1214年)